


SOALAN LAZIM

PROGRAM GERAN AGROPELANCONGAN

BIL.	SOALAN	JAWAPAN
1.	Apakah definisi Agropelancongan?	Agropelancongan adalah konsep pelancongan yang menawarkan pelbagai aktiviti berkaitan sektor pertanian berasaskan tanaman, ternakan, perikanan dan industri asas tani (IAT) bertujuan untuk beriadah atau mendidik pengunjung sambil membantu meningkatkan pendapatan pengusaha pusat agropelancongan.
2.	Apakah yang objektif geran Agropelancongan?	<ul style="list-style-type: none">i. Memperkasakan aktiviti ekonomi dan keusahawanan masyarakat tani yang terdiri daripada petani, penternak dan nelayan dengan mempelbagaikan sumber pendapatan mereka; danii. Membuka peluang pekerjaan baru kepada penduduk setempat.
3.	Bagaimana cara untuk memohon geran Agropelancongan?	Permohonan geran ini boleh dikemukakan kepada Jabatan/Agensi pembimbing di bawah Kementerian Pertanian dan Keterjaminan Makanan seperti berikut: <ul style="list-style-type: none">(a) Jabatan Pertanian (DOA);(b) Jabatan Perikanan (DOF);(c) Jabatan Perkhidmatan Veterinar (DVS);(d) Institut Penyelidikan dan Kemajuan Pertanian Malaysia (MARDI);(e) Lembaga Perindustrian Nanas Malaysia (LPNM);(f) Lembaga Kemajuan Ikan Malaysia (LKIM);(g) Lembaga Pemasaran Pertanian Persekutuan (FAMA);(h) Lembaga Pertubuhan Peladang (LPP);(i) Lembaga Kemajuan Pertanian Muda (MADA);(j) Lembaga Kemajuan Pertanian Kemubu (KADA);(k) Jabatan Pertanian Negeri Sabah (DOA Sabah); dan(l) Jabatan Pertanian Negeri Sarawak (DOA Sarawak)(m) Projek Pembangunan Pertanian Bersepadu (IADA)
4.	Apakah kriteria kelayakan untuk memohon geran Agropelancongan?	Kriteria yang dipertimbangkan adalah seperti berikut: <ul style="list-style-type: none">i) Warganegara Malaysia;ii) Petani, penternak dan nelayan yang sedang menjalankan aktiviti pengeluaran makanan seperti:<ul style="list-style-type: none">a) Tanaman;b) Perikanan;c) Penternakan; dand) Pemprosesan makananiii) Entiti perniagaan yang berdaftar dengan Suruhanjaya Syarikat Malaysia (SSM) sama ada di bawah Akta Syarikat 1965 [Akta 125] atau enterprise yang diperbadankan di bawah Akta Pendaftaran Perniagaan 1956 [Akta 197];

- iv) Koperasi yang berdaftar dengan Suruhanjaya Koperasi Malaysia (SKM);
- v) Pertubuhan yang berdaftar dengan Lembaga Kemajuan Ikan Malaysia (LKIM) dan Lembaga Pertubuhan Peladang (LPP);
- vi) Pertubuhan Bukan Kerajaan yang berdaftar dengan Jabatan Pendaftaran Pertubuhan Malaysia;
- vii) Pengusaha-pengusaha di bawah kategori pengusaha kecil dan mikro iaitu yang memperoleh nilai jualan tahunan kurang atau tidak melebihi RM3 juta. Kategori pengusaha agropelancongan adalah seperti di **Jadual 1**:

Jadual 1
Kategori Pengusaha Agropelancongan



Sumber: SME Corporation Malaysia

- viii) Memberi tumpuan kepada projek yang berdaya maju (viable), berdaya tahan (sustainable) serta mengikut kesesuaian persekitaran dan tempat.

5.	Adakah permohonan ini boleh dihantar terus kepada Bahagian Industri Makanan dan Asas Tani, Kementerian Pertanian dan Industri Makanan?	Permohonan perlu dikemukakan kepada Jabatan/Agensi pembimbing di bawah KPKM bagi membolehkan pihak Jabatan/Agensi melaksanakan lawatan penilaian teknikal di lokasi pemohon.
6.	Apakah skop bantuan geran Agropelancongan yang dibiayai oleh Kerajaan?	Program ini menyediakan bantuan bagi membina dan menaiktaraf infrastruktur seperti berikut: <ul style="list-style-type: none"> a) Jalan crusher run, mini tar dan pembaikan laluan masuk; b) Pembinaan dan menaiktaraf surau; c) Pembinaan dan menaiktaraf dewan, galeri jualan, tandas awam, dan pusat informasi pengunjung; d) Pengindahan landskap; e) Pembinaan dan menaiktaraf longkang/perparitan dan sistem perpaipan dalam kawasan; f) Pembinaan dan menaiktaraf papan tanda; dan

		g) Lain-lain skop kerja bina dan naiktaraf yang mendapat kelulusan Mesyuarat Jawatankuasa Agropelancongan, KPKM.
7.	Berapakah nilai maksimum yang boleh dipohon?	Kerajaan membiayai jumlah kos projek bagi setiap permohonan pada kadar 100% sehingga nilai bantuan maksimum RM200,000.00. Pengusaha perlu membiayai baki atau nilai yang melebihi sumbangan Kerajaan.
8.	Berapa lamakah tempoh permohonan ini diproses?	Proses pelaksanaan Program merangkumi empat (4) fasa yang terdiri daripada peringkat pemilihan, perancangan, pelaksanaan dan pemantauan. Carta aliran kerja bagi skop membina dan menaiktaraf infrastruktur pusat agropelancongan adalah seperti di Lampiran 1 Garis Panduan .
9.	Apakah senarai semak permohonan geran Agropelancongan?	Pengusaha perlu mengemukakan permohonan beserta dokumen sokongan kepada Jabatan/Agensi bagi tujuan penilaian kelayakan permohonan. Borang permohonan dan dokumen sokongan tersebut adalah seperti berikut: (a) Senarai Semak Permohonan Peruntukan Membina dan Menaiktaraf Infrastruktur Pusat Agropelancongan seperti di Lampiran 2; (b) Borang Permohonan Peruntukan Membina dan Menaiktaraf Infrastruktur Pusat Agropelancongan (Borang APKPKM1) seperti di Lampiran 3; (c) Kertas kerja bagi cadangan projek membina dan menaiktaraf infrastruktur pusat agropelancongan seperti di Lampiran 4; (d) Dokumen sokongan lain yang berkaitan (daftar perniagaan, salinan dokumen hak milik tanah, surat perjanjian sewa, surat pajakan, native title (bagi negeri Sabah); dan (e) Kelulusan kebenaran merancang, butiran spesifikasi kerja bagi setiap projek yang dicadangkan, pelan susun atur/rekabentuk dan sebutharga kontraktor), jika berkenaan.
10.	Adakah saya boleh memohon semula geran ini sekiranya pernah menerima geran sebelum ini?	Pusat agropelancongan yang pernah menerima geran hanya boleh dipertimbangkan semula selepas dua (2) tahun daripada tahun kelulusan geran terdahulu .
11.	Apakah syarat keutamaan yang diberikan bagi permohonan geran Agropelancongan?	Keutamaan diberikan seperti berikut: i) Telah dibangunkan dimana aktiviti pertanian telah dijalankan dan berpotensi untuk menerima kunjungan pengunjung; ii) Menerapkan elemen pelancongan dimana pengunjung dapat merasai aktiviti-aktiviti yang dijalankan serta mengenali secara lebih dekat khazanah warisan bangsa, keunikan budaya serta tradisi masyarakat setempat (feel), menikmati hidangan unik mengikut negeri (taste) dan berinteraksi dengan hidupan/ haiwan ternakan (catch);

		<ul style="list-style-type: none">iii) Belum pernah diluluskan bantuan geran agropelancongan oleh KPKM; daniv) Telah menunjukkan prestasi perniagaan pertanian yang baik sekurang-kurangnya satu (1) tahun dan tidak diisytihar muflis.
--	--	--

Disediakan oleh:

**Unit Agropelancongan
Bahagian Industri Makanan dan Asas Tani
Kementerian Pertanian dan Keterjaminan Makanan**